



REPUBLIKA E SHQIPËRISË
BASHKIA FUSHË-ARRËZ
KËSHILLI BASHKIAK

Komisioni i Mandateve Rregullores, Qeverisjes së Mirë, Zgjedhjeve, Administratës dhe Strukturave Komunitare.

Nr 4658/P



Fushë-Arrëz, më 19.12.2024

RAPORT VENDIMMARRJE

Drejtuar: Këshillit të Bashkisë

Lenda: Vendim për shqyrtimin e projekt vendimit nr. 33 datë 26/11/2024, relacionit e dokumentat shoqërues në lidhje me propozimin për “Miratimin e Programit Buxhetor Afatmesem 2025-2027 dhe Buxhetin Vjetor per vitin 2025”

Analiza ligjore: Hartimi i projektit buxhetor afatmesëm 2025-2027 është bere bazuar në ligjin Nr.139/2015“Për vetëqeverisjen vendore“, ligjin Nr.9936, datë 26.06.2008, “Për menaxhimin e sistemit buxhetor në Republikën e Shqipërisë” i ndryshuar , ligjin nr.10296, datë 8.7.2010 “Për menaxhimin financiar dhe kontrollin”, ligjin 68/2017 date 27.4.2017 “ Per financat e veteqeverisjes vendore “, udhezimit të Ministrise se Financave dhe Ekonomisë nr. 23 date 30.07.2018 “Per procedurat standarte te pergatitjes se programit buxhetor afatmesem te NJQV”, udhezimit të Ministrise se Financave dhe Ekonomisë “Për përgatitjen e programit buxhetor afatmesëm vendor 2025-2027”, dhe anekset plotësuese.

Hartimi i Buxhetit për vitet 2025 - 2027 është kryer pas një pune gjithëpërfshirëse te administratës se Bashkisë, anëtareve te Këshillit te Bashkisë , Njësise Administrative, komunitetin e biznesit, komunitetin e banoreve, si dhe aktore te ndryshëm te shoqërisë civile. Përgatitja e buxhetit është paraprirë nga dëgjesa dhe komunikim me publikun, Promovimi i transparencës në krijimin e instrumenteve financiarë ndaj komunitetit përbën një detyrim ligjor për organet shtetërore, por në fakt është edhe një detyrim moral që kane institucionet e qeverisjes vendore ndaj komunitetit qe përfaqësojnë. Hartimi i Buxhetit u përfshi në një cikël të plotë buxhetimi sipas kërkesave ligjore,

duke i ndjekur te gjitha hapat te përcaktuara ne ligj. Administrata e Bashkisë është bazuar kryesisht ligjin nr.139/2015 “Për vetëqeverisjen vendore”, ligjin nr.119/2014 “Për të drejtën e informimit”, si dhe ligjin nr.146/2014 “Për konsultimin publik”, përveç akteve ligjore dhe nënligjore teknike dhe specifike të sipërcituara të domosdoshëm për hartimin e këtij instrumenti financiar.

Situata aktuale e funksionit: Përmes fondeve të alokuara në këtë program buxhetor, synohet qeverisje vendore e përgjegjëse dhe administrata e saj transparente. Në këtë drejtim bashkia ka punuar gjatë vitit në objektiva si: Përmirësimi i menaxhimit të burimeve njerëzore, Përmirësimi i menaxhimit të burimeve financiare, Rritja e pjesëmarrjes aktive të qytetarëve në vendimmarrje, Bashkia siguron strehim social për shtresën vulnerabël, Përmirësimi i punës së bashkisë drejt realizimit të standardeve ligjore. Buxheti i alokuar në këtë program buxhetor është përdorur nga bashkia për përmirësimin e shërbimeve që i ofrohen komunitetit për administrimin e bashkisë.

Situata financiare: Buxheti për Programin e Arsimit bazë përfshirë arsimin parashkollor per vitin 2025 do te jete në shumen 127.731.000 lekë, prej të cilave 97.270.000 lekë janë për paga dhe sigurime shoqerore. Pjesa tjetër 30.461.000 Lekë për shpenzime operative dhe mirembajtje ka një pakësim të lehtë në krahasim me vitin 2024.

Buxheti për Programin e Arsimit të mesëm të përgjithshëm për vitin 2025 do të jetë në shumën 6.683.000 lekë, me një rritje te lehte te pagat dhe sigurimet shoqërore prej 9.000 lekësh. 5.913.000 janë për paga dhe sigurime shoqerore dhe pjesa tjetër 770.000 për shpenzime operative dhe mirëmbajtje.

Drejtoria / Sektori përgjegjës:

Drejtoria e Financës dhe Drejtorinë e Burimeve njerëzore ka relatuar përpara komisionit për Projekt Buxhetin 2025

Monitorimi dhe raportimi: Komisioni i Mandateve Rregullores, Qeverisjes së Mirë, Zgjedhjeve, Administratës dhe Strukturave Komunitare dhe të gjithë këshilltarët do të monitorojnë zbatimin e buxhetit dhe do të thërrasin sa herë të jetë nevojshme Drejtorinë e Financës ose Drejtorinë e Burimeve njerëzore për zbatimin e projekteve të caktuara.

Impakti social / grupet që preken: Programi Buxhetor Afatmesem 2025-2027 dhe Buxheti Vjetor per vitin 2025 impakton jetën të gjitha shtresave, kategorive dhe zhvillimin e të gjithë territorit të bashkisë Pukë

A është objekt i konsultimit publik: Janë mbajtur dëgjesat publike në Fushë Arrëz, në Njësitë Administrative Qafë Mali, Iballë, Fierzë dhe Blerim me banorët e të gjitha Njësite Administrative, Kryetarët e Fshatrave dhe Ndërlidhësit Komunitarë, përfaqësues të grupeve të ndryshme te interesit, etj.

Dëgjesat janë mbajtur sipas kalendarit të dëgjesave të publikuar në rregjistrin e konsultimeve me publikun. Është publikuar edhe përmbledhja e rekomandimeve të qytetarëve.

Numri i pjesëmarrësve në konsultime ishte 108 persona, nga të cilët 32 gra dhe vajza (20%) dhe numri i rekomandimeve ishte 54.

Komisioni i Mandateve Rregullores, Qeverisjes së Mirë, Zgjedhjeve, Administratës dhe Strukturave Komunitare , i mbledhur me datën 19.12 . 2024, shqyrtoi projekt vendimit nr. 35

datë 26/12/2024, relacionit e dokumentat shoqërues në lidhje me propozimin për "Miratimin e Programit Buxhetor Afatmesëm 2025-2027 dhe Buxhetin Vjetor për vitin 2025 " paraqitur nga Kryetari i Bashkisë.

Pas shqyrtimit të projekt vendimit dhe materialeve shoqëruese,


Komisioni me shumicë votash,


VENDOSI

1. T'i propozojë Këshillit Bashkiak:

- a) kalimin e projektaktit në Mbledhjen e Këshillit për vlerësim të mëtejshëm dhe shqyrtim
- b) miratimin e projektaktit

Bashkëlidhur argumentat e vendimmarrjes dhe mendimi i pakicës i paraqitur në procesverbalin e mbledhjes së Komisionit

 Kryetar i Komisionit
(emri, mbiemri, firma)

 Sekretar i Komisionit
(emri, mbiemri, firma)

Datë 19.12.2024